



NOFIMA AS
Postboks 6122 Langnes
9291 TROMSØ

Dato: 22.01.2019
Vår ref.: 2018/17592-5
Saksbehandlar: Vibeke Lokøy
Tlf: 932 49 179

Nofima AS - Løyve til å etablere anlegg for oppdrett av laks og aure på lokalitet Otterholmen i Radøy kommune

Vi syner til dykkar søknad om samlokalisering av 20.12.2018 og tilsegn frå Nærings- og fiskeridepartementet av 03.12.2018.

Vedtak

Hordaland fylkeskommune gir med dette Nofima AS, org. nr. 989278835, akvakulturløyva med reg. nr. H-MF-32, H-MF-33 og H-MF-34 løyve til å etablere anlegg for oppdrett av matfisk av laks, aure og regnbogeaure til forskingsføremål på følgjande lokalitet i Radøy kommune i Hordaland fylke:

Lokalitetsnr.	Lokalitetsnamn	Kommune	Lokalitetsbiomasse
11738	Otterholmen	Radøy	3600 tonn

Løyvet gjeld for anleggsplassering som vist i vedlagt kart, med ytterpunkt som har følgjande posisjonar i grader og desimalminutt (Kartdatum Euref89/WGS84):

Midtpunkt	1	2	3	4	5	6
N 60° 41,185'	N 60° 41,256'	N 60° 41,318'	N 60° 41,316'	N 60° 41,193'	N 60° 41,089'	N 60° 41,148'
Ø 04° 54,521'	Ø 04° 54,394'	Ø 04° 54,508'	Ø 04° 54,542'	Ø 04° 54,712'	Ø 04° 54,623'	Ø 04° 54,305'

Lokaliteten er med dette klarert for følgjande løyve:

Blom Fiskeoppdrett AS: H-L-19, H-ML-1, H-R-4, H-R-8, H-R-11, H-ØN-1 og H-ØN-4.
Nofima AS: H-MF-32, H-MF-33 og H-MF-34.

Kvart av løyva er godkjent for 780 tonn MTB. H-MF-32, H-MF-33 og H-MF-34 er løyve til forskning, tidsavgrensa til 30.08.2021. For nærmare oversikt over kva lokalitetar som er godkjent for dei einskilde løyva, viser vi til akvakulturregisteret på fiskeridirektoratet si heimeside www.fiskeridir.no.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse til akvakultur av laks, ørret og regnbueørret. Dette løyvet etter akvakulturlova inkluderer løyve etter matlova, dyrevelferdslova, forureiningslova og hamne- og farvannslova.

GRUNNGJEVING FOR VEDTAKET

Bakgrunn og saksgang

Nofima AS søkte 20.12.2018 om samlokalisering av sine løyve H-MF-32, H-MF-33 og H-MF-34 med Blom Fiskeoppdrett AS sine løyve H-L-19, H-ML-1, H-R-4, H-R-8, H-R-11, H-ØN-1 og H-ØN-4 på lokalitet Otterholmen i Radøy kommune.

H-MF-32, H-MF-33 og H-MF-34 er løyve til forskning, kvar på 780 tonn MTB, tidsavgrensa til 30.08.2021. Føremålet med forsøket er å utvikle og implementere eit nytt kunnskapsbasert og dynamisk fôringsregime relatert til årstid. Det vil gjere fisken meir robust og bidra til betre fiskevelferd. Det vert også vist til at det nye fôringsregimet vil redusere uspesifikk dødelegheit/sirkulasjonssvikt og gi mindre melanin i filèten, i tillegg til å gi auka utbytte og kortare produksjonstid i sjø. Forsøket skal gjennomførast i tre geografiske regionar; nord-, midt-, og sør-Noreg. Løyva er i dag knytt til lokalitet Vikane i Masfjorden kommune, der fisken skal slaktast ut i slutten av februar 2019.

Fiskeridirektoratet gav i vedtak av 26.05.2017 tilsegn om å tildele Nofima AS to akvakulturløyve til forsøks- og forskingsformål, begge avgrensa til 780 tonn MTB, inntil 4 år. Fiskeridirektoratet, Tildelingsseksjonen, gav 12.10.2017 Nofima AS tilsegn til eit ekstra løyve i Hordaland, innanfor ei øvre grense på 480 tonn i ein periode på 3-4 mnd. I vedtak av 01.11.2018 godkjente Fiskeridirektoratet at løyvet kan takast i bruk i perioden frå og med 01.12.2018 til og med 01.02.2019. Under føresetnad av at det blir behov for ei ekstra avlusing i januar 2019, vert perioden forlenga til 01.03.2019. Hordaland fylkeskommune klarerte 15.11.2018 lokalitet Vikane for det ekstra løyvet, H-MF-34.

Nofima AS klaga på Fiskeridirektoratet sitt vedtak om tilsegn, og NFD handsama klagen 03.12.2018. Departementet vedtok å tildele Nofima AS eit løyve i kvar region på 780 tonn for ein periode på fire år, i staden for løyvet på 480 tonn i 3-4 mnd. Hordaland fylkeskommune blir bedt om å skrive ut løyvedokument til eit av løyva i Hordaland. I og med at løyve H-MF-34 allereie er tildelt, vert vår oppgåve å utvide storleiken frå 480 til 780 tonn, samt forlenge tidsavgrensinga frå 01.03.2019 til 30.08.2021.

Sektorstyresmaktene og kommunen si handsaming

Det at lokaliteten skal inngå i eit forskingsprosjekt kan innebære endring av den eksisterande drifta på lokaliteten, og søknaden om samlokalisering vart difor sendt til Mattilsynet for handsaming. Då lokaliteten er tidlegare klarert jf. løyve av 05.02.2018, og søknaden ikkje inneber endring av MTB eller areal, er ikkje denne saka sendt til verken Radøy kommune, Fylkesmannen i Vestland, Kystverket Vest eller Fiskeridirektoratet Region Vest.

Mattilsynet har handsama søknaden, og i brev av 16.01.2019 vurderer dei at samlokaliseringa ikkje medfører vesentlege endringar av det allereie godkjente akvakulturanlegget. Mattilsynet har difor ingen innvendingar mot søknaden.

Naturmangfaldlova

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 -12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta § 30 a.

Saka vert sett på som tilstrekkeleg opplyst i høve til oppdrettsanlegget sin påverknad på naturmangfaldet, jf. § 8 Kunnskapsgrunnlaget, og føre-var prinsippet vert difor ikkje tatt i bruk, jf. § 9 Føre-var prinsippet. Vi kan ikkje sjå at det er grunnlag for å avslå søknaden ut frå omsynet til det biologiske mangfaldet, økologiske effektar eller naturmiljøet, jf. § 10 Økosystemtilnærming og samla belastning.

Tiltakshavar skal dekke kostnadane ved å hindre eller avgrense skade på naturmangfaldet som tiltaket er årsak til, dersom det ikkje er urimeleg ut i frå tiltaket og skaden sin karakter, jf. § 11 Kostnader ved forverring av miljø.

Det er eigne forskrifter som gjev krav til teknisk standard og regulerer drift av akvakulturanlegg. Det er eit ufråvikeleg krav at drifta skal vere teknisk, biologisk og miljømessig forsvarleg, jf. § 12 Miljøforsvarlege teknikkar og driftsmetodar.

Etter ei samla vurdering, etter Lov om akvakultur 17.06.2005 nr. 79, gir Hordaland fylkeskommune Nofima AS med akvakulturløyva H-MF-32, H-MF-33 og H-MF-34 løyve til samlokalisering med Blom Fiskeoppdrett AS på lokalitet Otterholmen i Radøy kommune.

Særskilde vilkår for forsøks- og forskingsløyva H-MF-32, H-MF-33 og H-MF-34.

Hordaland fylkeskommune viser til vedtak frå Fiskeridirektoratet av 26.05.2017 om å tildele Nofima AS to akvakulturløyve til forsøks- og forskingsformål, der begge er avgrensa til 780 tonn MTB for inntil 4 år, og vedtak frå NFD av 03.12.2018 om å tildele ytterlegare eitt løyve i Hordaland.

Det er knytt følgjande særlege vilkår til forsøks- og forskingsløyve H-MF-32, H-MF-33 og H-MF-34:

- Forsøksbiomassen skal nyttast i samsvar med prosjektskildringa i søknaden, dvs til forsøk som omhandlar eit nytt kunnskapsbasert dynamisk fôringsregime relatert til årstid med sikte på å gjere fisken meir robust og bidra til auka fiskevelferd, redusert uspesifikk dødelegheit-/sirkulasjonssvikt og melanin i filèten.
- Nofima AS skal ha det faglege ansvaret for forsøka i akvakulturløyva.
- Resultata frå forsøksverksemda skal være allment tilgjengeleg. Årleg forsøksrapportering skal utførast på standardiserte skjema (www.fiskeridir.no) og sendast til Fiskeridirektoratet si kyst- og havbruksavdeling innan 15. februar påfølgjande år. Det skal vidare sendast sluttrapport når prosjektet er fullført.
- Nofima AS skal som innehavar av løyva ha det faktiske og merkantile ansvaret for fisken i akvakulturløyva.
- All fisk som vert sett ut i akvakulturløyva skal inngå i godkjente forsøk, og ved avslutning av forsøk må fisken slaktast/seljast.
- Vilkår i laksetidelingsforskrifta som ligg til grunn for tildeling av akvakulturløyva til forsøks- og forskingsføremål må være oppfylt også i driftsfasen.

Generelle vilkår

- Anlegget skal ligge i samsvar med vedlagte kart og anleggsskisser og i samsvar med godkjente koordinatar for anlegget sine ytterpunkt.
- Løyve vert gitt utan ansvar til nabo-, eigedom- eller andre privatrettslege forhold.
- Løyve vert gjeve med føresetnad av at etablering, drift og eventuell avvikling vert gjennomført i samsvar med til ein kvar tid gjeldande lover, forskrifter og vilkår.
- Kopi av dette løyvet med vedlegg skal oppbevarast tilgjengeleg for alle medarbeidarar på anlegget og for alle som har kontrollrett.
- Som konsesjonsinnehavar har De plikt til å sette Dykk inn i det regelverket som gjeld for løyver etter Akvakulturlova. Akvakulturlova med tilhøyrande forskrifter er tilgjengeleg på www.lovdatab.no.

Anna

Hordaland fylkeskommune viser til kravet i § 35 i forskrift av 17.06.2008 nr. 822 om drift av akvakulturanlegg når det gjeld miljøovervaking og rapportering av miljøundersøkingar til myndigheitene. Vi ber om at miljøundersøkingar blir sendt til myndigheitene via Altinn.

Når det gjeld drift av løyve, viser vi til forskrift 17.06.2008 nr. 288 om drift av akvakulturanlegg (akvakulturdriftsforskrifta) og forskrift av 19.3.2004 nr. 537 om internkontroll for å oppfylle

akvakulturlovgivinga.

Klagerett

Vedtaket kan klagast på av saka sine partar eller andre med rettsleg klageinteresse innan 3 veker frå det tidspunktet underretninga om avgjerda er komen fram til vedkomande part, sjå om dette i vedlagt orientering. Eventuell klage skal sendast til Hordaland fylkeskommune.

I medhald av forvaltningsloven § 27b er det sett som vilkår for å gå til søksmål at ein har nytta retten til å klage fullt ut. Merk at ei klage ikkje fører til utsett iverksetting av vedtaket. Det er likevel mogleg å søke om at iverksetting vert utsatt til klagesaka er avgjort.

Bård Sandal
fylkesdirektør regional utvikling

Sølve Dag Sondbø
seksjonssjef

Brevet er godkjent elektronisk og har derfor inga underskrift.

Vedlegg:

Utsleppsløyve frå Fylkesmannen i Hordaland 12.04.2013

Løyve frå Mattilsynet Sør og Vest 14.03.2016

Løyve frå Kystverket Vest 16.02.2016

Kart over godkjent plassering

Klageskjema

Kopi til:

Mattilsynet

Fiskeridirektoratet


FYLKESMANNEN I VESTLAND

Kystverket Vest

Radøy kommune


Per Brunsvik

Lokalitet 11738 Otterholmen



Lokalitet 11738 Otterholmen





(1) Sendar (stemplet til forvaltningsorganet) Hordaland fylkeskommune Agnes Mowinckels gate 5 PB 7900 5020 BERGEN	Melding om rett til å klage over forvaltningsvedtak (Forvaltningslova § 27 tredje leddet) 22.01.2019
(3) Mottakar (namn og adresse) NOFIMA AS	(4) Klageinstans Fiskeridirektoratet, Kyst- og havbruksavdelinga Postboks 185 Sentrum, 5804 Bergen
Denne meldinga gjev viktige opplysningar dersom De vil klage på eit vedtak De er gjord kjend med.	
Klagerett	De har rett til å klage på vedtaket.
Kven kan De klage til?	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).
Klagefrist	Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.
Rett til å krevjegrunggeving	Dersom De meiner at vi ikkje har grunngeve vedtaket, kan De krevje ei slik grunngeving før fristen går ut. Ny klagefrist blir då rekna frå den dagen De får grunngevinga.
Innhaldet i klaga	De må presisere <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga Klaga må underskrivast.
Utsetjing av gjennomføringa av vedtaket	Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.
Rett til å sjå saksdokumenta og til å krevje rettleiing	Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.
Kostnadene med klagesaka	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.
Klage til Sivilombodsmannen	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar	

X-0073 N (Godkj. 05-95) Elektronisk utgåve